

第十八卷

宋金

第十九卷

宋金

宋金

元

資治通鑑

要編

卷十八

之十九



資治通鑑綱目續編卷之十八

宋紀

光宗

自即位

謹惇。孝宗第三子。年四

上皇有廢立之意。致帝驚疑得疾。上皇怒而後怨之。乃造誣罔謂

不過重華宮二年。上皇不擇亦

不視疾。及崩。不能執喪。一日忽

居壽康宮

在位五年 壽五十四

庚戌

紹熙元年

金章宗璟明昌元年。西遼天禧二十三年。

夏主乾祐
二十年

春正月丙辰朔帝朝于重華

宮○二月殿中侍御史劉光祖乞禁道學之譏光祖入對言曰近世是非不明則邪正互攻公論不立則私情交起此固道之消長時之否泰而實為國家之禍福社稷之存亡甚可畏也本朝士大夫學術最為近古初非有強國之術而國勢尊安根本深厚咸平景德之間道臻皇極治保太和至於慶曆嘉熙盛矣不幸

而壞於熙豐之邪說踈棄正士招徠小人幸而元祐君子起而救之末流大分事故反覆紹聖元符之際群兇得志絕滅綱常其論既勝其勢既成崇觀而下尚復何言臣始至時聞有譏貶道學之說而實未覩朋黨之分逮臣復來則朋黨已成而忠諫者獲罪矣夫以忠諫為罪則去紹聖幾何哉陛下即位之初凡所以進退率用人言初無好惡之私豈

推忠言
為沽名

以黨偏為主。而一歲之內。逐者紛紛。往往推忠之言。謂為沽名之舉。至於潔身以退。亦曰憤懣而然。欲激怒於至尊。必加之以訐訕。臣欲息將來之禍。故不憚反覆以陳。伏幾聖心豁然。永為皇極之主。使是非由此而定。邪正由此而別。公論由此而明。私情由此而熄。道學之譏。由此而消。朋黨之迹。由是而泯。和平之福。由此而集。國家之事。由此而理。則生

王介對
策

靈之幸。社稷之福也。不然。相激相勝。展轉反覆。為禍無窮。臣實未知稅駕之所。帝下其章。讀者至於流涕。何澹見之。數夕恍惚無措。是年廷試舉人。婺州進士王介策言。今之所謂道學者。即世之君子正士也。君子正士之名。不可逐。故設為此名。一網而去之。聖明在上。而天下以道學為諱。將何以立國哉。帝嘉歎。擢為第三。由是道學之譏少沮。○夏四月。

行朱熹
經界法

以伯圭嗣秀王。○秋七月。以留正為左丞相。王藺為樞密使。葛邲參知政事。胡晉臣簽書樞密院事。○冬十二月。王藺罷。以葛邲知樞密院事。胡晉臣參知政事。○**金**以孔元措襲封衍聖公。元措總之子
○知漳州朱熹請行經界法。從之。
辛亥二年。金明昌二年。西遼天禧二年。夏乾祐二十一年。
春正月。**金**尚書令徒單克寧卒。克寧為相二十年。功高而身愈下。位盛而身益

合祭天
地而風
雨變

勤。號稱賢相。○**金**太后徒單氏卒。○二月。行會元歷。判太史局劉孝榮造○冬十一月。安定郡王子彤卒。○辛未。有事于太廟。皇后殺貴妃黃氏。壬申。合祭天地于圜丘。大風雨。不卒事而還。帝有疾。不視朝。初。帝欲誅宦者。近習皆懼。遂謀離間三宮。帝疑之。不能自解。會帝得心疾。壽皇購得良藥。欲因帝至宮授之。宦者遂訴于皇后曰。太上合藥一大丸。俟宮車過即

后殺黃
貴妃

投藥萬有一不虞。其奈宗社何。后覘藥實有心。銜之。頃之內宴。后請立嘉王。擴為太子。壽皇不許。后曰。妾六禮所聘。嘉王。妾親生也。何為不可。壽皇大怒。后退。持嘉王泣訴于帝。謂壽皇有廢立意。帝惑之。遂不朝壽皇。一日帝浣手。宮中睹宮人手白悅之。他日后遣人送食于帝。啓之。則宮人兩手也。后又以黃貴妃有寵。因帝祭太廟。宿于齋宮。后殺貴妃以

帝感疾

暴疾聞。翌日合祭天地。風雨大作。黃壇燭盡滅。不能成禮而罷。帝既聞貴妃卒。又值此變。震懼增疾。不視朝。政事多決于后。后益驕恣。壽皇聞帝疾。亟往南內視之。且責后。后怨愈深。

壬子三年

(金)明昌三年。○(西)遼天禧二年。○(夏)乾祐二十二年。

春正月乙巳朔。帝有疾。不視朝。○三月。帝疾瘳。始視朝于延和殿。○以子濤為安定郡王。○**金**命僧道拜父母親屬。及

金命僧
道拜父

居喪。一遵典禮。○夏四月。以丘密為四川制置使。初留正帥蜀。慮吳氏世將謀去之。不果。至是議更蜀帥。正言西邊三將。惟吳氏世襲兵柄。號為吳家軍。不知有朝廷。遂以戶部侍郎丘密往。密陛辭。奏曰。臣入蜀後。吳挺脫至死亡。兵權不可復付其子。臣請得以便宜撫定諸軍。許之。○五月。帝有疾。不視朝。○六月。以陳騏同知樞密院事。○冬十一月丙戌。

趙汝愚
請帝朝
壽皇

日南至。群臣請帝朝重華宮。不從。辛卯始朝。初帝自有疾。遂廢五日一朝重華宮之禮。每有慶會。亦往往稱傳壽皇之旨而免。都人以為憂。至是丞相留正率百官詣重華宮稱慶。兵部尚書羅點。給事中尤袤。中書舍人黃裳。監察御史黃度。尚書左選郎官葉適等。上疏請帝朝重華宮。不從。吏部尚書趙汝愚入對。往復規諫。帝悟。汝愚又屬秀王伯圭調護。

於是兩宮之情始通。辛卯。帝朝重華宮。皇后繼至。竟日而還。都人大悅。

癸丑四年（金）明昌四年。○（西）遼天禧二年。○（夏）乾祐二十三年。

春正月己巳朔。帝朝重華宮。○三月。帝

朝重華宮。○以葛邲為右丞相。胡晉臣

知樞密院事。陳駉參知政事。趙汝愚同

知樞密院事。汝愚固辭。不許。（汝愚。楚王元佐七世孫。）

○帝從壽皇聖帝幸聚景園。○**金**以

胥持國參知政事。（持國。以經童入仕。金主在東宮識之。及即）

賜陳亮及第

位。遂大用。持國為人柔佞。有智術。時李妃得幸。持國知金主好色。陰以秘術干之。於是與妃表裏擅政專權矣。○夏五月。賜禮部進士

陳亮及第。亮才氣超邁。善談兵。議論風

生。下筆數千言。立就。所交皆一時豪俊。

志存經濟。隆興初。上中興五論。不報。退

居婺州之永康。益力學著書。嘗園視錢

唐。慨然嘆曰。城可灌也。（蓋以西湖故也。）淳

熙中。更名同。詣闕上書。極言時事。因言

錢唐非駐蹕之所。孝宗赫然震動。欲榜

朝堂以勵群臣。用种放故事。召令上殿。將擢用之。曾覲聞而欲見焉。亮恥之。踰垣而逃。覲不悅。大臣亦惡其言切直。交沮之。帝欲官亮。亮笑曰。吾欲為社稷開數百年之基。寧用以博一官乎。即渡江而歸。厲志讀書。所學益博。其學自孟子後。惟推王通。嘗曰。研窮義理之精微。辯析古今之同異。原心於杪忽。較禮於分寸。以積累為工。以涵養為正。晬面盎背。

陳亮崇
尚朱熹
呂祖謙

則於諸儒誠有愧焉。至於堂堂之陣。正正之旗。風雨雲雷交發而並至。龍蛇虎豹變見而出沒。推倒一世之智勇。開拓萬古之心胷。自謂差有一日之長。蓋指朱熹呂祖謙也。至是策進士。問禮樂刑政之要。亮以君道師道對。且曰。臣竊歎陛下之於壽皇。蒞政二十有八年之間。寧有一政一事之不在聖懷。而問安視寢之餘。所以察辭而觀色。因此而得彼

陳亮對
策尋卒

吳挺卒

者。其端甚衆。亦既得其機要。而見諸施行矣。豈徒一月四朝。而以為京邑之美觀也哉。帝得其策大喜。以為善處父子之間。御筆擢為第一。授簽書建康府判官廳公事。未上。一夕卒。○召浙東副總管姜特立還。留正乞罷相。不報。正引唐憲宗召吐突承璀事。不許。按唐憲宗將吐突承璀為淮南監軍。及召承璀還。先罷絳相。蓋二人不可並立也。○太尉利州安撫使知興州吳挺卒。四川制

置使丘宙。命總財賦楊輔權安撫使。統制官李世廣。權總其軍。抑吳氏之權也。○六月。

留正待罪于城外。以召姜特立故也。○

知樞密院事胡晉臣卒。帝自有疾。不視朝。晉臣與留正

同心輔政。中外帖然。其所奏陳。以溫清定省為先。次及親君子。遠小人。抑僥倖。消朋黨。啓沃剴切。彌縫秋。七月。以趙汝

愚知樞密院事。余端禮同知院事。○復

以內侍陳源為押班。○八月。以吳曦帶

御器械。曦。挺子也。○**金**主釋奠于孔子

金主拜孔子

廟北面再拜○以孔文遠襲封衍聖公

文遠。玠之孫。而播之子也。○九月。群臣請帝朝重華

宮。不從。冬十一月。始朝。時帝制于皇后

久不朝。重華宮。群臣上章。皆不從。嘉王

府翊善黃裳上疏。請誅內侍楊舜卿。臺

諫張叔椿。章穎。上疏乞罷黜。太學生汪

安仁等二百一十八人。上書請朝重華

宮。彭龜年請逐陳源以謝天下。皆不報。

○召留正赴都堂視事。詔姜特立還浙

東留正出城。凡百四十四日。○十二月。帝朝重華宮

○夏。主仁孝卒。子純佑立。仁孝在位五年。始建

學校于國中。立小學于禁中。親為訓導。尊孔子為文宣帝。然權臣擅國。兵政衰

弱于昔矣。○以朱熹知潭州。時使者自金還

言金人嘗問朱先生安在。故有是命

甲寅五年金明昌五年。夏。桓宗純佑天慶

元春。正月癸亥朔。帝朝于重華宮。○壽

皇聖帝有疾。○葛邲罷。邲為相。專守祖

才。博采公論。惟恐其人聞之。嘗曰。十二時中。莫欺自己。其實踐如此。○金

金人問朱先生安在

太上皇有疾

主命購求遺書○夏四月帝及皇后幸
玉津園群臣請帝問疾于重華宮不從
於是群臣請斥罷者百餘人詔不許侍
講黃裳秘書少監孫逢吉等再上疏以
請起居郎兼中書舍人陳傅良請以親
王執政一人充重華宮使臺諫交章劾
內侍陳源楊舜卿林億年離間之罪請
逐之○五月壽皇聖帝疾大漸群臣請
帝問疾重華宮不從陳傅良以帝不往

宰相引
帝裾諫

乃繳上告勅出城待罪戊辰丞相留正
等率宰執進諫帝拂衣起正引帝裾泣
諫羅點進曰壽皇疾勢已危不及今一
見後悔何及群臣隨帝入至福寧殿內
侍闔門慟哭而出明日帝召羅點入對
點言前日迫切獻忠舉措失禮陛下赦
而不誅然引裾亦故事也帝曰引裾可
也何得輒入宮禁乎點引辛毗事以謝
且言壽皇止有一子既付神器惟恐見

之不速耳。不聽。○初詔嘉王擴詣重華宮問疾。從彭龜年、黃裳、沈有開奏也。王至宮。壽皇為之感動。○六月。壽皇聖帝崩于重華宮。帝稱疾留正等請壽聖皇太后代行喪禮。壽皇崩年六十八。時帝既不出。宰相乃率百官詣重華宮發喪。將成服。留正與趙汝愚議請太后垂簾。暫主喪事。太后不許。正等奏云。臣等連日造南內請對不獲。累上疏不得報。今

孝宗崩

當率百官恭請。若皇帝不出。百官相與慟哭於宮門。恐人情騷動為社稷憂。乞太皇太后降旨以皇帝有疾。暫就宮中成服。然喪不可以無主。祝文稱孝子嗣皇帝。宰臣不敢代行。太后壽皇之母也。請攝行祭禮。太后許之。

太皇太后
后代帝
行喪禮

陳桎按史臣曰。孝宗聰明英毅。銳志恢復。重違高宗之命。不輕出師。又值金國平治。無釁可乘。然易表為書。改

臣稱姪。減去歲幣以定鄰好。金世宗每戒群臣積錢穀。謹邊備。蓋忌帝之將有為也。天厭兵革。欲休民生。故帝用兵之志弗遂而終。自古人君起自外藩。入繼大統。而能盡宮庭之孝。未有若帝者。廟號孝宗。不亦宜乎。

新安胡氏一桂曰孝宗復讎一念。上通于天。惜乎君之志有餘。臣之忠不足。孝宗頗能矯高宗之志。而諸臣不

論孝宗
恢復志
銳

能脫秦檜之習。張浚一出。撓於史浩。再出。撓於湯思退。而周葵王之望。尹穡。洪遵。無非襲檜之為。一浚豈能勝百檜哉。雖然。孝宗恢復之志。雖不得遂。而隆興乾淳之治。則不可誣。曰。朕心一日行天下一兩遭。節用愛民。好學勤政。聽言好諫。重道崇儒。疏斥宦官。嚴飭賊吏。帝王衆善。能兼有之。逸欲等事。無毫髮可指者。真宋室之賢

主比之仁宗。無不及焉。獨惟末年。陳賈請禁偽學。唱道學之名。以攻朱熹。使正邪混殺。貽禍滋蔓。深為可惜也。尊壽聖皇太后為太皇太后。壽成皇后為皇太后。○秋七月。留正請建太子。遂稱疾而逃。先是葉適言于留正曰。帝疾而不執喪。將何辭以謝天下。今嘉王長。若預建參決。則疑謗釋矣。正從之。丁未。正率宰執入奏云。皇子嘉王。仁孝風成。

宜早正儲位。以安人心。不報。越六日。又請。御批云。甚好。明日宰執同擬旨。以進。乞帝親批。付學士院降詔。是夕御批云。歷事歲久。念欲退閑。留正得之大懼。因朝佯仆于庭。即出國門。上表請老。初正始議。帝以疾未克主喪。宜立皇太子監國。若未倦勤。當復辟。而趙汝愚請以太皇太后旨。禪位嘉王。正謂建儲詔未下。而遽及此。他日必難處。與汝愚異。遂以

太皇太后垂簾聽政

肩輿五鼓逃去○太皇太后垂簾聽政以帝有疾。詔皇子嘉王擴成服。即皇帝位于重華宮。尊帝為太上皇帝。皇后為壽仁太上皇后。留正既去。人心益搖。會帝臨朝。忽仆于地。時將禫祭。趙汝愚憂危不知所出。內禫之議益決。乃遣工部尚書趙彥逾結殿帥郭杲而與左選郎官葉適。左司郎中徐誼謀白內禫意於太皇太后。適告知閣門事蔡必勝。必勝

乃與宣贊舍人傅昌朝知內侍省關禮

知閣門事韓侂胄定計

侂胄琦五世孫而吳太后妹之

子會慈福宮提點張宗尹過侂胄適白

汝愚遂令侂胄因張宗尹以聞太后不

許明日侂胄復往又不獲命遂巡將退

關禮見而問之侂胄具述汝愚之意禮

入見太后而泣太后問故禮對曰聖人

讀書萬卷亦嘗見有如此時而保無亂

者乎太后曰此非汝所知禮曰此事人

人知之。今丞相已出。所賴者趙知院。旦夕亦去矣。言與淚俱下。后驚曰。知院同姓。事體與他人異。乃亦去乎。禮曰。知院未去。非但以同姓故。以太皇太后為可恃耳。今定大計而不獲命。勢不得不去。太后曰。事順則可。令諭好為之。禮報作。胄且云。來早太后于壽皇梓宮前垂簾引執政。作胄復命。日已向夕。汝愚始以其事語陳騃。余端禮。亟命殿帥郭杲。步

帥閻仲。夜以兵分衛南北內。關禮使傳昌朝密製黃袍。是日嘉王謁告不入。臨汝愚曰。禫祭重事。王不可以不出。翌日甲子。禫祭。王入。汝愚率同列奏事。太后曰。既有御筆。相公當奉行。汝愚曰。茲事重大。播之天下。書之史冊。須議一指揮。太后允諾。汝愚袖出所擬太后指揮以進。云。皇帝以疾至今未能執喪。曾有御筆欲自退閑。皇子嘉王擴可即皇帝位。

趙汝愚
請太后
立嘉王
為帝

尊皇帝為太上皇帝。皇后為太上皇后。太后覽畢。曰。甚善。汝愚奏自今臣等有合奏事。當取嗣君處分。然恐兩宮父子間有難處者。須煩太后主張。太后乃命汝愚以旨諭皇子即位。皇子固辭。曰。恐負不孝名。汝愚奏。天子當以安社稷定國家為孝。今中外人人憂亂。萬一變生。置太上皇何地。衆扶皇子入素幄。披黃袍。方却立未坐。汝愚等再拜。皇子詣几

寧宗即位

筵殿哭盡哀。遂衰服出。就重華殿東廡。素幄立。內侍扶掖乃坐。百官起居訖。乃入行禫祭禮。汝愚即喪次。乞召還留正。詔建泰安宮以奉太上皇帝。民心悅懌。中外晏然。汝愚之力也。○立崇國夫人韓氏為皇后。后。琦六世孫。父曰同。卿。侏。胄。則其季父也。○大赦。○以趙汝愚兼權參知政事。汝愚悉收召士君子之在外者。以章穎為侍御史。黃艾為左司諫。黃裳為給事中。陳傅

良。彭龜年。並為中書舍人。黃由為起居郎。沈有開為起居舍人。○復召留正為左丞相。○以趙汝愚為右丞相。汝愚辭。遂以為樞密使。○以陳騏知樞密院事。羅點簽書院事。余端禮參知政事。○加殿前都指揮使郭杲為武康軍節度使。知閤門事韓侂胄為汝州防禦使。侂胄欲推定策功。趙汝愚曰。吾宗臣。汝外戚也。何可以言功。惟爪牙之

汝愚抑
韓侂胄

臣。則當推賞。乃加杲節鉞。但遷侂胄防禦。侂胄大失望。然以傳導詔旨。浸見親幸。時乘間竊弄威福。知臨安府徐誼告汝愚曰。侂胄異時必為國患。宜飽其欲而遠之。不聽。汝愚欲推國子司業葉適之功。適辭曰。國危効忠職也。適何功之有。及聞侂胄缺望。適言于汝愚曰。侂胄所望。不過節鉞。宜與之。不從。適歎曰。禍自此始矣。遂力求補外。○貶內侍楊舜卿

葉適歎
禍自此始

林億年陳源于外侍御史章穎論○以

張寔為皇城司檢法舍人寔字轟車橫渠先生六世

孫○八月安定郡王子濤卒○召朱熹

召朱熹為侍講

為煥章閣待制兼侍講初黃裳為嘉王

府翊善光宗諭之曰嘉王進學皆卿之

功裳謝曰若欲進德脩業追跡古先哲

王則須尋天下第一等人乃可帝問為

誰裳以朱熹對及彭龜年為嘉王府直

講因講魯莊公不能制其母云母不可

天下第一等人

制當制其侍御之人王問此誰之說龜

年對曰朱熹也王深善之自後每講必

問熹之說如何龜年復言于留正正曰

正非不知熹但其性剛恐到此不合反

為累耳及王即位趙汝愚薦熹遂自知

潭州召入經筵熹至會趙彥逾按視孝

宗山陵以為土肉淺薄下有水石孫逢

吉覆按乞別求吉兆有旨集議熹上議

狀言壽皇聖德衣冠之藏當博求名山

不宜偏信臺史。委之水泉沙礫之中。不

報按朱子議狀云。以禮而言。則記曰。死

於北方北首。三代之達禮也。則是不忍死

葬者。必坐北而向南。孝子之心。不忍死

其親。雖葬於墓。猶欲其負陰而抱陽也。

豈有坐南向北。反背陽而向陰乎。若以

術言。則凡擇地。必先論其主勢之強弱。

風氣之聚散。水土之淺深。穴道之偏正。

力量之全否。政使實有國音之說。亦必

先此五者。然後其術可得而推。今乃信

其庸妄之偏說。但所以五音盡類。群姓而

謂家宅向背。各有所宜。乃不經之甚者。

不用。且臺史之言。進退無據。類皆如此。

不信也。時論者以帝居重華。未還大內。則

名體未正。而疑議生。有旨脩葺東宮。為

屋數百間。欲徙居之。熹言此必左右近

習為此說。以誤陛下。而欲因以遂其姦。

時太上皇后懼忤太上皇帝意。不欲其

聞太上之稱。內禪之說。熹言若如此。而

不為宛轉方便。則父子之間。上怨怒而

下憂恐。將何時而已。宜俟太上入宮之

後。整變服色。負罪引慝。則太上雖有忿

怒之情。亦且消散而歡洽矣。一日熹奏

熹議葬地不宜信臺史言

一善人

朱熹言
奉太上
之意

事行宮便殿。其一日。天下之事。有常有變。而其所以處事之術。有經有權。當事之常。而守其經。雖聖賢不外乎此。而衆人亦可能焉。至於遭事之變。而處之以權。則惟大聖大賢為能不失其正。而非衆人之所及也。乃者天運艱難。國有大咎。天變為之見於上。地變為之作於下。人情為之哀恫怫鬱。而皆有離畔散亂之心。是則所謂天下之大變。而不可以

常理處焉者也。是以太皇太后躬定大策。皇帝陛下寅紹丕圖。而鄉之危者安。離者合。天下之勢翕然而大定。此亦謂處之以權而不失其正矣。然至今三月。而天變未盡銷。地變未盡弭。君親之心未盡懽。學士大夫。群黎百姓。或反不能無疑於逆順名實之際。猶有可諉者。諉女 恚反。以言推托也。又累也。亦曰陛下之心。前日未嘗有求位之計。今日未嘗忘思親之懷。而

朱熹言
致溫清
之禮

已此則所謂道心微妙之全體。天理發
用之本然而所以行權而不失其正之
根本。誠能充吾未嘗求位之心。則可以
盡吾負罪引慝之誠。充吾未嘗忘親之
心。則可以致吾溫清定省之禮。終始不
越乎此。而天倫可正。大本可立矣。至於
問安視膳之行。十日一至而不得見。則
繼以五日。五日一至而不得見。則繼之
以三日。三日而不得見。則二日而一至。

以至於一日而無不至焉。俯伏寢門。怨
慕號泣。雖勞且辱。有所不憚。然而親心
猶未底豫。慈愛猶未復初。逆順名實之
際。不渙然而冰釋。則臣不信也。其二言
帝王之學。其三言湖南財計。其四言湖
北徭人侵擾事。熹每有所講。編次成帙
以進。帝亦開納。熹又言願陛下日用之
間。以求放心為之本。而親近儒學。數召
大臣。切劘治道。又言自漢文短喪。歷代

言喪禮

因之。天子遂無三年之喪。三綱不明。千有餘年。莫能釐正。壽皇至性自天。易月之外。猶執通喪。可為世法。今陛下以世嫡承大統。而乃用漆紗淺黃之服。不惟上違禮律。且使壽皇朝衣朝冠。皆用大布之制。舉而復墜。臣竊痛之。○以給事中黃裳。中書舍人陳傅良。彭龜年。並為講讀官。詔經筵官開陳經旨。救正闕失。晚講官賜坐。以講趙汝愚請增置故也○以張詔

內批罷留正

為興州諸軍都統制。而以吳曦為文臣

帥趙汝愚以吳氏世掌西兵。非國家之利。請杜他日握兵之漸。故有是命也。○內

批罷左丞相留正時韓侂胄浸謀預政。數詣都堂。留正使省

吏論之曰。此非知閭日往來之地。侂胄怒而退。會正與趙汝愚議攢官不合。侂

胄因問之于帝。○以趙汝愚為右丞相

○九月。詔趙汝愚朝獻景靈宮。嗣秀王

伯圭朝饗太廟此以孝也○簽書樞密院

事羅點卒。○合祭天地于明堂。大赦。○

以京鏜簽書樞密院事。○給事中黃裳

韓侂胄
請內批
除官

卒。裳簡易端純。隨事納忠。推賢樂善。篤於孝友。○冬十月。更泰安宮為壽康宮。○瑞慶節。詔不受賀。以孝宗喪。從朱熹之言也。○韓侂胄請內批。以謝深甫為御史中丞。楊大法為殿中侍御史。劉德秀為監察御史。罷右正言黃度。帝皆從之。由是言路皆侂胄之黨。排斥正士。朱熹憂其害政。每因進對。為帝切言之。熹復數白汝愚當以厚賞酬侂胄之勞。音 胄之勞。

內批罷
黃度

勿使預政。汝愚為人踈。謂其易制。不以為慮。黃度將上疏論侂胄之姦。侂胄覺之。以御筆除度知平江府。度言蔡京擅權。天下所由以亂。今侂胄假御筆逐諫臣。使俛首去。不得効一言。非國之利也。固辭。奉祠歸養焉。○閏月。內批罷侍講朱熹。熹以黃度之去。因講畢。奏疏極言四事。其一。畧曰。聞有旨脩葺舊日東宮。為屋三數百間。外議皆謂陛下意欲速

朱熹諫
脩東宮

成。早遂移蹕以為便安之計。臣恐不惟上帝震怒災異數出。正當恐懼脩省之時。不惟興大役以拂譴告警動之意。亦恐畿甸百姓饑餓流離。陷於死亡之際。忽見朝廷大興土木。脩造宮室。但以適己自奉為事。而無矜惻憫憐之心。或能怨望忿切。以生他變。不惟無以感格太上皇帝之心。以致未有進見之期。亦恐壽皇在殯。因山未卜。几筵之奉。不容少

弛。太上皇后。皇太后。晨昏之養。尤不可缺。而四方之人。但見陛下大治宮室。速得成就。一旦翩然委而去之。六軍萬民之心。必有扼腕而不平者矣。此臣之所大懼也。其二。畧曰。壽康定省之禮。邇日一再過宮。亦未得見。泛然而往。泛然而歸。太上皇帝聞之。必以為此徒備禮而來。實無必求見我之意。其深閉固拒而不肯見。固亦宜矣。又聞太上皇后懼忤

諫朝太
上皇定
省之禮

太上皇帝之意不欲其聞太上之稱。又不欲其聞內禪之說。若但一向如此。則怨懼何時而已乎。此又臣之所大懼也。其三。畧曰。朝廷紀綱。尤所當嚴。今陛下即位。未能旬月。而進退宰執。移易臺諫。皆出於陛下之獨斷。大臣不與謀。給舍不及議。正使實出於陛下之獨斷。其事悉當於理。亦非為治之體。况中外傳聞。皆謂左右或竊其柄。而其所行又未能

諫內批
進退大
臣

盡允於公議。此弊不革。臣恐名為獨斷。而主威不免於下移。欲以求治。而反不免於致亂。蓋自隆興以來。已有此失。臣嘗再三深為壽皇論之。尚賴壽皇聖性聰明。更練世事。故於此輩。雖以驅使之。故稍有假借。實亦陰有以制之。未至全隨其計。然積習成風。貽患於後。其害已不可勝言者。如陳源。袁佐之流。皆陛下所親見。柰何又欲襲其跡而蹈之乎。

言殯宮
宜言地

此又臣之所大懼也。其四。畧曰。殯宮之
卜。偏信臺史之言。而不復廣徇術人以
求吉地。既不為壽皇體魄安寧之慮。又
不為宗社血食久遠之圖。夫以壽皇之
豐功偉烈。百世不忘。而所以葬之如此
其草草也。豈不大拂天人之心。以致變
異之頻仍。而貽患於無窮乎。此又臣之
所大懼也。臣老病之餘。寒齋獨宿。終夜
不寐。憂慮萬端。至於孤危之蹤。不敢自

朱熹疏
入忤韓
侂冑

保。切恐自今已往。不獲久侍清閑之燕
矣。疏入。韓侂冑大怒。使優人王喜我冠
闊袖。象大儒。戲于帝前。因乘閒言熹迂
闊不可用。帝方倚任侂冑。乃出手批云。
憫卿耆艾。恐難立講。已除卿宮觀。趙汝
愚袖御筆見帝。且諫。且拜。帝不省。汝愚
因求罷政。帝不許。越二日。侂冑使其黨
封內批付熹。熹即附奏謝。遂行。中書舍
人陳傅良。及起居郎劉光祖。起居舍人

朱熹罷

鄧駟御史吳獵吏部侍郎孫逢吉登聞鼓院游仲鴻交上疏留熹皆不報工部侍郎黃艾因侍講問逐熹之驟帝曰始除熹經筵耳今乃事事欲與聞艾力辯其故帝不聽熹在朝四十六日進講者七內引奏事者再熹急於致君知無不言言無不盡亦頗見嚴憚既去作胄益無所忌憚

呂氏中曰甚矣君子之道難行而小

人之姦易售也昔哲宗初年伊川先生入在講筵未幾群吠紛紜遂有西監之除今寧宗新政晦庵先生入侍經幄未幾權倖媚嫉遽有宮觀之命嗚呼此小人排擯道學之漸自是而後臺諫糾彈一則曰偽學二則曰偽黨已醞釀於此時矣

趙汝愚請祧僖宣二廟正太祖東嚮之位詔從之

宋自太祖追王僖順翼宣四祖以來每遇禘祫祖宗以昭

朱熹諫
桃僖宣
廟

穆相對。而虛東嚮之位。王安石為政。建議僖祖。以上世次不可知。則僖祖之廟。與后稷疑無異也。熙寧八年夏。禘于太廟。以僖祖東向。自是無敢議者。南度後。董全。王普。尤表。俱請正。先是英宗祔廟。太祖東向之位。未克行。先升祔。遂為九世十二室。至是孝宗將升祔。欲桃僖宣。汝愚主此議。熹力爭曰。宋以僖祖為始祖。如周后稷。太祖如文王。太宗如武王。皆百世不桃。但以太祖追帝僖祖之心推之。則知今日太祖在天。

之靈。必有不忍而不敢當者。且致書汝愚曰。丞相以宗支入輔王室。而無故毀撤祖廟。以快其私。其不祥亦甚矣。不報。○十一月。帝自重華宮還大內。○以知閣門事韓侂胄兼樞密都承旨。○詔行孝宗皇帝喪三年。○葬永阜陵。○十二月。吏部侍郎兼侍講彭龜年上疏論韓侂胄罪。內批進侂胄官一秩。罷龜年與郡。由是侂胄愈橫。○罷中書舍人陳傅

正士並
罷

良○陳騃罷○以余端禮知樞密院事。京鏜參知政事。鄭僑同知樞密院事○罷起居舍人劉光祖。劉德秀論其留朱熹也○以趙彥逾為四川制置使。彥逾以有功於帝室。冀趙汝愚引居政府。及除蜀帥。大怒。遂與韓侂胄合。因陛辭。疏廷臣姓名于帝。指為汝愚之黨。且曰。老奴今去。不惜為陛下言之。由是帝益疑汝愚矣。

資治通鑑節要續編卷之十八

資治通鑑節要續編卷之十九

宋紀

附

金紀

寧宗皇帝

諱擴。光宗子也。史稱謙恭仁儉。終始如一。

然柔而不明。迹其行事。制於權臣之手。前有韓侂胄。

後有史彌遠。既黜。致邪屏斥。忠良。正學廢。黜。致邪屏。

志。開禧三年。而吳曦叛。嘉定。以。後。金人犯邊。無歲不。

被其擾。元主太勢。漸危。雖方。江。南。震。懼。國。勢。漸。危。雖。

有。小。善。不。足。稱。也。

在位三十年

壽五十七

乙卯慶元元年

金

明昌六年

西遼

天

年二春正月丁亥朔蠲兩淮租稅○以李

沐為右正言二月趙汝愚罷韓侂胄欲

逐汝愚而難其名謀于京鏜鏜曰彼宗

姓也誣以謀危社稷則一網打盡矣侂

胄然之以秘書監李沐嘗有怨于汝愚

引為右正言使奏汝愚以同姓居相位

將不利于社稷乞罷其政以尊安天位

杜塞姦源是日汝愚出浙江亭待罪詔

韓侂胄
計罷趙
汝愚

宣押赴都堂治事沐又論之乞罷宣押

乃以觀文殿大學士出知福州制詞畧

曰頃我家之多難賴碩輔之精忠持危

定傾安社稷以為悅任忠竭節利國家

無不為既隆翊戴之勲尚期啓沃之助

力陳忱悃祈避煩言起居郎權直學士

院鄭湜草也湜坐無貶詞免兼學士院

未幾罷去汝愚既去朝廷大權悉歸于

侂胄矣○貶知福州趙汝愚提舉洞霄

李祥楊
簡救趙
汝愚得
竄

官罷兵部侍郎章穎知臨安府徐誼國
子祭酒李祥博士楊簡謝深甫等論汝
愚冒居相位今既罷免不當以書殿隆
名帥藩閩重鎮乞令奉祠省咎從之李
祥言去歲國遭大戚中外洶洶留正棄
相位而去官僚幾欲解散軍民皆將為
亂兩宮隔絕國喪無主汝愚以樞臣獨
不避隕身滅族之禍奉太皇太后命翊
陛下以登九五勛勞著于社稷精忠貫

于天地乃卒受黥黥音感反黑也而去天下

後世其謂何穎誼簡亦抗論留汝愚李

沐劾為黨皆斥之○三月丙戌朔日有

食之○夏四月安置大府寺丞呂祖儉

于韶州祖儉上書訴趙汝愚之忠併論

朱熹老儒彭龜年舊學李祥老成不當

罷斥韓侂胄怒有旨祖儉朋比罔上安

置韶州中書舍人鄧驛繳奏祖儉不當

貶不從尋改吉州祖儉嘗曰因世變有

安置呂
祖儉

所摧折失其素履者。固不足言。因世變而意氣有所加者。亦私心也。竟死吉州。○以余端禮為右丞相。鄭僑參知政事。京鏜知樞密院事。謝深甫簽書院事。○竄太學生楊宏中等六人于五百里外。宏中與周端朝。張衡。林仲麟。蔣傳。徐範等六人。伏闕上書言去歲人情驚疑。變在朝夕。當時假非汝愚出死力。定大議。雖百李沐。罔知攸濟。當國家多難。汝愚

太學生
上書斥
李沐得
貶

位樞府本兵柄。指揮操縱。何向不可。不以此時為利。今上下安恬。乃獨有異志乎。章穎。李祥。楊簡。發於中。激力辯其非。即遭斥逐。今李沐自知邪正不兩立。思欲盡覆正人。以便其私。必託朋黨以罔陛下之聽。恐君子小人消長之機。於此一判。則靖康已然之驗。何可再見。伏願陛下念汝愚之忠勤。察祥簡之非黨。灼李沐之回邪。竄李沐以謝天下。還祥等。

以收士心。疏上。韓侂胄大怒。內批宏中等妄亂上書。扇搖國是。編管五百里外。天下號為六君子焉。○以李沐為右諫議大夫。劉德秀為右正言。○五月。命其左丞相夾谷清臣行省事于臨潢府。以伐北鄙阻鞞等部。○詔戒百官朋比。○六月。劉德秀乞考核真偽以辯邪正。從之。遂罷國子祭酒陳伸。國子司業汪達。國子正陳武。博士孫元卿。太學博士

侂胄禁
偽學

袁燮。韓侂胄怨趙汝愚。朱熹以其從游者皆知名士。欲盡去之。而不可悉誣。以罪。或謂之曰。凡相與異者。皆道學之人。若以道學目之。則有何罪。當名曰偽學。其言以貪黷放肆。乃人真情。廉潔好脩。乃偽情耳。復陰疏朱熹門下姓名授之。由是有偽學之目。善類皆不自安矣。右正言劉德秀上言邪正之辨。無過於真與偽而已。彼口道先王言。而行如市人。

所不為。在興王之所必斥也。昔孝宗垂
意規恢。首務核實。凡虛偽之徒。言行相
違者。未嘗不深知其姦。臣願陛下以孝
宗為法。考核真偽。以辨邪正。詔下其章。
由是元卿。燮武。皆罷。陳伸。汪達。入劄子
辯之。亦被斥罷。○加韓侂胄保寧軍節
度使。提舉萬壽觀。○何澹乞風厲學者
專師孔孟。從之。○冬十月。以子恭為安
定郡王。○十一月。安置提舉洞霄宮。趙

何澹攻
正學

汝愚于永州。汝愚行至衡州。暴卒。韓侂
胄忌汝愚。必欲寘之死。以息人言。由是
何澹劾汝愚。落其觀文殿大學士。及宮
觀。監察御史胡紘。遂上言。汝愚倡引偽
徒。謀為不軌。乘龍授鼎。假夢為符。因條
奏其十不遜。且及徐誼。趙汝愚嘗夢孝
宗授以湯鼎。背
負白龍升天。後翼嘉王以素服即位。蓋
其驗也。李沐。胡紘。遂用之為罪云。徐誼
為汝愚所器。凡有政務。多咨訪之。誼隨
事裨助。不避形迹。然者始衆。又嘗勸汝
愚早退。及豫防侂胄之詔責汝愚寧遠
姦。是以侂胄怨之也。

趙汝愚
至永州
暴卒

軍節度副使。永州安置。誼惠州團練副使。南安軍安置。葉適亦奉祠。時汪義端當制。遂用漢誅劉屈氂。唐戮李林甫事。示欲殺之之意。迪功郎趙師召亦上書乞斬汝愚。帝不從。汝愚怡然就道。謂諸子曰。觀侂胄之意。必欲殺我。我死。汝曹尚可免也。明年正月。至衡州。病作。衡守錢璣承侂胄密諭。窘辱百端。汝愚遂暴卒。天下聞而冤之。

四明陳氏桎曰。汝愚學務有用。常以司馬光。富弼。韓琦。范仲淹自期。如朱熹。張栻。呂祖謙。汪應辰。王十朋。胡銓。李燾。林光朝之言。欲次第行之。未果而罷政。當孝宗崩。光宗疾。汝愚奮不顧身。定大計于頃刻。收召明德之士。以輔新政。其功可謂盛矣。卒為侂胄所構。斥死遐荒。而宋之陵夷。馴致于不可為。惜哉。

金夾谷清臣免。以右丞相完顏襄行省事于臨潢。○十二月，以朱熹為煥章閣待制。熹辭從之。熹時家居，自以蒙累朝知遇之恩，且尚帶從臣職名，義不容默。草封事數萬言，極陳姦邪蔽主之禍。因以明汝愚之寃，繕寫已具。子弟諸生更進迭諫，以為必且賈禍。熹不聽。門人蔡元定入諫，請以著決之。遇遯之同人，熹默然取奏藁焚之。因更號遯翁，遂以疾

朱熹欲上封事不果

丐休致。○**金**平章政事完顏守貞罷。守貞

剛直明亮。通習典故。凡論對必傳經義。其儀式條約多守貞裁訂。故明昌之治。號稱清明。又好接引善類。以列朝廷。為胥持國所忌。罷去。

丙辰二年。金承安元年。○夏。天慶三年。春。

正月，以余端禮為左丞相，京鏜為右丞相。謝深甫參知政事，鄭僑知樞密院事。何澹同知院事。○夏四月，余端禮罷。○以何澹參知政事，葉翥簽書樞密院事。罷禮部侍郎倪思。○**金**初行區種法。○

六經四
書為世
大禁

五月。賜禮部進士鄒應龍以下四百九十九人及第出身。是歲葉翥倪思知貢舉。劉德秀奏言偽學之魁以匹夫竊人主之柄。鼓動天下。故文風未能丕變。乞將語錄之類盡行除毀。故是科取士稍涉義理者悉見黜落。六經語孟中庸大學之書為世大禁矣。○以張釜為尚左郎官。○作華文閣藏孝宗御集。○秋七月。加韓侂胄開府儀同三司萬壽觀使。

黃黼罷

○罷殿中侍御史黃黼。中書舍人汪義端引唐李林甫故事。以偽學之黨皆名士欲盡除之。一時號為君子無不斥罷。太皇太后聞之。以語帝。乃詔臺諫給舍論奏。毋及舊事。務在平正。以副朕建中之意。詔下。韓侂胄及其黨皆怒。劉德秀遂與御史張伯垓姚愈等力爭。以為不可。乃改為不必專及舊事。自是侂胄與其黨攻治之志愈急矣。黼上言治道在

黜首惡而任其賢。使才者不失其職。而不才者無所憾。故仁宗嘗曰。朕不欲留人過失於心。此皇極之道也。黼竟被罷。而以姚愈代之。○八月。胡紘乞住進擬。偽學之黨。從之。紘上書言。比年以來。偽學猖獗。圖為不軌。動搖上皇。詆誣聖德。幾至大亂。賴二三大臣臺諫。出死力而排之。故元惡殞命。群邪屏迹。而或者倡為調停之議。取前日偽學之黨。次第用之。望宣諭宰執。應偽學之黨。權住進擬。自是學禁愈急矣。○九月。嗣濮王士歆卒。○冬。十月。召陳賈為兵部侍郎。以其

奪朱熹職名

胡紘以疏草授沈繼祖攻朱熹

嘗擊朱熹也。○十二月。罷祕閣脩撰致仕朱熹官。竄處士蔡元定于道州。時臺諫皆韓侂胄所引。無不迎合其意。以攻偽學為言。然憚清議。未有誦言攻熹者。胡紘獨草疏將論之。會改太常少卿。不果。及沈繼祖上疏追論程頤之罪。侂胄薦為御史。紘即以疏草授之。繼祖遂誣論朱熹十罪。且言熹剽竊程頤。張載之餘論。以喫菜事魔之妖術。簧鼓後進。張

浮駕誕。私立品題。收召四方無行義之徒。以益其黨。與殮麤食。淡衣褻帶。博或會徒於廣信鵝湖之寺。或呈身於長沙敬簡之堂。潛形匿迹。如鬼如魅。乞禡熹職。禡。丑豸反。奪也。音斯。者。福也。上聲。為是。罷祠。其徒蔡元定。佐熹為妖。乞送別州編管。詔熹落職。罷祠。竄元定于道州。已而選人余嘉上書。乞斬熹以絕偽學。謝深甫抵其書于地。語同列曰。朱元晦。蔡元定。不過自相

講明耳。果何罪乎。事乃止。元定生而穎異。父發博覽群書。以程氏語錄。邵氏經世。張氏正蒙。授元定曰。此孔孟正脉也。元定深涵其義。既長。辯析益精。登建陽西山絕頂。忍饑啖齋。以讀書。聞熹名。往師之。熹叩其學。大驚曰。此吾老友。不當在弟子列。遂與對榻。講論諸經奧義。每至夜分。四方來學者。熹必俾先從元定質正焉。尤褒楊萬里。交薦于朝。召之不

元定老友

蔡元定
被貶怡
然

起。築室西山。將為終焉之計。會偽學黨
禁之論起。元定曰。吾其不免乎。及聞貶。
不辭家。即就道。熹與從游者百餘人。餞
別蕭寺中。坐客興歎有泣下者。熹微視
元定。不異平時。因喟然曰。友朋相愛之
情。季通不挫之志。可謂兩得矣。衆謂宜
緩行。元定曰。獲罪于天。天可逃乎。杖屨
同其子。沈行三千里。脚為流血。無幾。微
見言面。至春陵。遠近來學者日衆。州士

子莫不趨席下。以聽講說。愛元定者謂
宜謝生徒。元定曰。彼以學來。何忍拒之。
若有禍患。亦非閉門塞竇所能避也。貽
書訓諸子曰。獨行不愧影。獨寢不愧衾。
勿以吾得罪故。遂懈其志。在道逾年。忽
一日。謂沈曰。可謝客。吾欲安靜。以還造
化舊物。閱三日卒。元定於書無所不讀。
於事無所不究。義理洞見大原。下至圖
書禮樂制度。無不精妙。熹疏釋四書。及

西山先生卒

傳易詩。編通鑑綱目。皆與元定往復參訂。啓蒙一書。則屬元定起藁。熹嘗曰。造化微妙。惟深於理者能識之。吾與季通言而不厭也。著洪範解。大衍詳說。律呂新書。皆行于世。學者尊之曰西山先生。
丁巳三年。金承安二年。○西遼天禧春。
正月。鄭僑罷。○二月。詔偽學之黨。勿除在內。差遣從大理司直邵棗然之言也。三十年來。偽學顯行。場屋之權。盡歸其

詔監司帥守勿用偽學人

黨。乞詔大臣審察其所學而後除。從之。
○夏。四月。以不祛為嗣濮王。○閏六月。貶觀文殿大學士留正為光祿卿。居之邵州。○秋。八月。**金**尚書右丞胥持國有罪致仕。○九月。以劉三傑為右正言。遂詔監司帥守。薦舉改官。勿用偽學之人。先是朝散大夫劉三傑。免喪入對。言前日偽黨。今變而為逆黨。防之不可不至。韓侂胄大喜。即除為右正言。而詔監司

帥守薦舉改官。並於奏牘前。其結聲說非偽學之人。會鄉試進士。漕司前期取家狀。必令書以不是偽學五字。撫州推官柴中行獨申漕司云。自幼習易讀程氏易傳。未委是與不是偽學。如以為偽。不願考校。士論壯之。○高麗王皓以其弟暉權國事。○**金**復以胥持國為參知政事。○冬十一月。太皇太后吳氏崩。○十二月。籍偽學。罷吏部侍郎黃由。知縣

籍偽學
五十九
人

州王沈上疏。乞置偽學之籍。仍自今曾受偽學舉薦。關陞及刑法廉吏。自代之人。並令省部籍記姓名。與閑慢差遣。從之。於是偽學逆黨。得罪著籍者。趙汝愚。留正。周必大。王藺。四人為之首。朱熹。徐誼。彭龜年。陳傅良。薛叔似。章穎。鄭湜。樓鑰。林大中。黃由。黃黼。何異。孫逢吉。劉光祖。呂祖儉。葉適。楊萬里。項安世。沈有開。曾三聘。游仲鴻。吳獵。李祥。楊簡。趙汝讜。

趙汝談。陳峴。范仲黼。汪達。孫元卿。袁燮。陳武。田澹。黃度。張體仁。蔡幼學。黃灝。周南。吳柔勝。李真。王厚之。孟浩。趙鞏。白炎。震。皇甫斌。危仲壬。張致遠。楊宏中。周端朝。張衡。林仲麟。蔣傳。徐範。蔡元定。呂祖泰。凡五十九人。黃由上言。人主不可待天下。以黨與。不必置籍。以示不廣。殿中侍御史張巖。劾由阿附。罷之。尋擢沈為利州路轉運判官。

戊午四年

金承安三年

夏

西遼天慶五年

天禧

春

正月。以葉翥同知樞密院事。○三月。葬

憲聖慈烈皇后吳氏。○夏。五月。加韓侂胄少

學

傳。封豫國公。賜玉帶。以朝。○詔嚴偽學

之禁。○以丁逢為軍器監。逢為四川都

大茶馬入對。極論元祐建中調停之害。

且引蘇轍任伯雨之言為證。京鏜。何澹

時附韓侂胄。專主偽學之事。深悅逢言。

即薦為軍器監。○秋。七月。葉翥罷。八月。

育宗子
于宮中

以謝深甫知樞密院事。許及之同知院事。○育太祖十世孫與愿于宮中。是時帝子

充冲惠王。瑒卒。未有皇嗣。京鏗等請擇宗室子育之。遂詔育燕懿王德昭後與

愿于宮中。年六歲矣。○以趙師弄為工部侍郎。師

趙師弄
附韓侂
胄

弄附韓侂胄。得知臨安府。侂胄生日。百

官爭貢珍異。師弄最後至。出小合曰。願

獻少果核侑觴。啓之。乃粟金蒲桃小架。

上綴大珠百餘顆。衆慙沮。侂胄有愛妾

張譚主。陳四人。皆封郡夫人。其次有名

師弄媚
侂胄

位者又十人。或獻北珠冠四枚於侂胄。

侂胄以遺四夫人。其十人亦欲之。未有

以應也。師弄聞之。亟市北珠製十冠以

獻。十人者喜。為求遷官。拜工部侍郎。侂

胄嘗過南園山莊。顧竹籬草舍。謂師弄

曰。此真田舍間氣象。但欠犬吠雞鳴耳。

俄聞犬嗥音毫。叢薄視之。乃師弄也。侂胄

大笑。聞者莫不鄙之。其後師弄坐他事

之有曰。曾學犬吠村莊之句。即指此也。○冬十月。金造承

安寶貨時銀每錠以五十兩其直百貫

至十兩分五等後○**金**大賚北鄙將士

浸雜以銅錫乃罷

授官者至萬人
已未五年承安四年○西遼天禧六年春

正月。奪紹熙從臣彭龜年曾三聘官。初趙汝愚定策時。樞密院直省官蔡璉從旁竊聽。因而漏言。汝愚竄之。既而逃還臨安。韓侂胄聞之。乃使璉誣告汝愚定策時有異謀。及具列賓僚所言。凡七十

蔡璉誣告汝愚

餘紙。詔下大理捕鞠彭龜年。曾三聘。沈有

開。葉適。項安世等以實其事。中書舍人范

仲藝草駁奏。袖錄黃謂侂胄曰。章惇蔡確

之權。不為不盛。然而至今得罪于清議者。

以同文獄故耳。相公胡為蹈之。侂胄曰。某

初無此心。以諸公見迫。問其人。乃知京

鏜。劉德秀。實主其議。侂胄取錄黃藏之。

事遂格。張釜。劉三傑。張巖。程松等論之。

不已。詔累經赦宥。宜免。然猶奪官。而擢

竄劉光祖

璉進義副尉○二月。放前起居舍人劉光祖于房州。光祖撰涪州學記。謂學之大者明聖人之道。以脩其身。而世方以道為偽。小者治文章。以達其志。而時方以文為病。好惡出於一時。是非定於萬世。諫議大夫張釜劾光祖佐逆不成。蓄憤懷姦。和附偽學。欺世罔上。遂落職○吏部侍郎胡紘免○三月。金立王暉為高麗國王○夏五月。行統天歷○秋。七

帝始朝太上皇

月。吏部尚書劉德秀免○八月。帝始朝太上皇帝于壽康宮○九月。加韓侂胄少師。封平原郡王○冬十二月。嗣濮王不祛卒○信。饒。江。撫。嚴。衢。台州。建昌。興國軍。及廣東諸州大水。賑之

庚申六年

金

承安五年

夏

西遼

天禧

七年

春

正月。戊子朔。己亥。皇子坦生○閏二月。以京鏜。謝深甫為左右丞相。何澹知樞密院事○復留正少保。觀文殿大學士。

朱熹卒
致仕○三月。前祕閣脩撰朱熹卒。熹登第五十年。仕於外者僅九考。立朝才四十六日。家故貧。少依父友劉子羽。寓建之崇安。後徙建陽之考亭。諸生自遠至者。豆飯藜羹。率與之共。往往稱貸於人。以給用。非其道義。則一介不取也。時攻偽學日急。士之繩趨尺步。稍以儒自名者。無所容其身。從游之士。特立不顧者。屏伏丘壑。依阿巽懦者。更名它師。過門

大風洪
水之異

不入。而熹日與諸生講學不休。或勸其謝遣生徒者。笑而不答。己未。寢疾。諸生惟葉賀孫。蔡沈九人在側。辛酉。改大學誠意章。此為熹絕筆。甲子。疾且革。正坐。整衣冠就枕而卒。于正寢。年七十一。是日大風拔木。洪水崩山。諸生近者犇訃。遠者為位而哭。蔡沈主喪。役黃榦主喪禮。將葬。右正言施康年言。四方偽徒聚于信上。欲送偽師之葬。會聚之間。非妄

談時人短長。則繆議時政得失。望令守
臣約束。從之。熹所著有易本義。啓蒙。著
卦考誤。詩集傳。大學中庸章句。或問。論
語。孟子集註。太極圖通書。西銘解。楚詞
集註。辯證。韓文考異。所編次有論孟集
議。孟子指要。中庸輯畧。孝經刊誤。小學
書通鑑綱目。宋名臣言行錄。家禮。近思
錄。河南程氏遺書。伊洛淵源錄。儀禮經
傳通解。其門人不可稱計。其最知名者。

論熹得
道統之
正

曰黃榦。李燔。張洽。陳淳。李方子。黃灝。蔡
沈。輔廣。榦之言曰。道之正統。待人而後
傳。自周以來。任傳道之責者。不過數人。
而能使斯道章章較著者。一二人而止
耳。由孔子而後。曾子。子思。得其微。至孟
子而始著。由孟子而後。周程。張子。繼其
絕。至熹而始著。衆以為知言。○黃榦初
見熹。夜不設榻。不解帶。熹語人曰。直卿
志堅。思苦。與之處甚有益。因妻以女。及

朱熹門人

熹病革。以深衣及所著書授榦。與之訣曰。吾道之託在此。吾無憾矣。熹沒。榦弟子日盛。編禮著書。講論經理。朝夕不倦。仕終朝奉郎。○李燾初見熹。熹告以曾子弘毅之語。且曰。致遠固以毅。而任重貴乎弘也。燾因以弘名其齋。凡諸生未達者。熹先冷訪。燾俟有所發。乃從而折衷之。諸生畏服。熹語人曰。燾進學可畏。處事不苟。他日任斯道者。必燾也。燾嘗

李燾處事不苟

張洽篤志

曰。凡人不必待仕宦有位。為職事。方為功業。但隨力到處。有以及物。即功業也。居家講道。學者宗之。仕終直華文閣。○張洽從熹學。自六經傳注而下。皆究其指歸。至於諸子百家。山經地志。老子浮圖之說。無所不讀。熹嘉其篤志。謂黃榦曰。所望以永斯道之傳者。二三君也。洽自少用力於敬。平居不異常人。至義所當為。則勇不可奪。著春秋集註。地里沿

陳淳名播天下

革表行于世。仕終直寶章閣。○陳淳少習舉子業。林宗臣見而竒之。謂曰。此非聖賢事業也。因授以近思錄。淳讀之。遂盡棄其業而學焉。及熹至漳。淳請受教。為學益力。熹語人曰。吾南來喜得陳淳。由是所聞皆要切語。及熹沒。淳追思之。痛自我抑。無書不讀。無物不格。日積月累。義理貫通。洞見條緒。恬退自守。名播天下。多所著述。仕終安溪主簿。○李方

李方子規矩果決

子端謹純篤。初見熹。熹謂曰。觀公為人。自是寡過。但寬大中要規矩。和緩中要果決。方子遂以果名其齋。居家竟日危坐。未嘗欹側。對賓客一語不妄發。嘗曰。吾於問學。雖未能周盡。然幸於大本有見處。此心常覺泰然。不為物欲所漬耳。○黃灝性行端飭。以孝友稱。○輔廣淳謹勤恪。嘗著四書纂疏。詩傳童子問。以發明師旨。○蔡沈元定子也。著書傳。○

光宗崩

安定郡王子恭卒○夏四月以不璽音問為嗣濮王○六月乙酉朔日有食之○太上皇后李氏崩○許及之以母喪去位○秋七月以陳自強簽書樞密院事○八月太上皇帝崩

陳桎按史臣曰光宗幼有令聞嚮用儒雅及即位之初總權綱屏嬖倖薄賦緩刑有可觀者及宮闈妬悍閹寺交構驚憂致疾孝養遂怠孝宗之業

衰焉

呂祖泰
上書請
斬韓侂
胄得竄

京鏜卒○攢慈懿皇后于臨安府南山之脩吉寺○九月婺州處士呂祖泰上書乞斬韓侂胄詔配祖泰于欽州牢城時御史施康年林宥劾周必大首倡偽徒私植黨與帝將降詔貶必大為少保祖泰聞之而憤乃擊登聞鼓上書論韓侂胄有無君之心請誅之以防禍亂其畧曰道學自古所恃以為國也丞相汝

愚。今之有大勲勞者也。立偽學之禁。逐汝愚之黨。是將空陛下之國。而陛下不知悟耶。陳自強。侂冑童穉之師。謂侂冑為童子時之躡致宰輔。陛下舊學之臣彭龜年等。今安在耶。蘇師旦。平江之吏胥。周筠。韓氏之廝役。人人知之。今師旦以潛邸隨龍而得節鉞。筠以皇后親屬而得大官。不知陛下在潛邸時。果識師旦乎。椒房之親。果有筠乎。侂冑徒自尊大。而

卑陵朝廷。一至於此。願亟誅侂冑。師旦。

周筠。而逐罷自強之徒。故大臣在者。獨

周必大可用。宜以代其任。不然。事將不

測。書出。中外大駭。侂冑怒。遂貶連州。尋

配欽州。祖泰。夷簡五世孫也。性疏達。尚諠論。事無所忌。諱命

謝深甫朝獻景靈宮。嗣濮王不璽朝饗

太廟。○冬十月。加韓侂冑太傅。○十一

月。以與愿為福州觀察使。更名曦。○皇

后韓氏崩。○十二月。葬永崇陵。○攢恭

淑皇后于臨安府之廣教僧寺○加殿
前副都指揮使吳曦太尉

辛酉嘉泰元年禧三十四年○**西遼**天

大聚周必

八年○是春二月貶少傅致仕周必大

為少保從施康年言也○三月臨安大

火乃四日○秋七月何澹罷○大旱○以

陳自強參知政事張釜簽書樞密院事

○以吳曦為興州都統制兼知興州曦

以賄賂宰輔規求還蜀陳自強為之言

于韓侂胄許之曦至興州因譖副都統

制王大節罷之由是兵權悉歸于曦異

志遂成矣○八月張釜罷○以張巖參

知政事程松同知樞密院事張巖附侂

學之禁自小官不四年至政府○程松

諂侂胄尤甚自知錢唐縣不二年為諫

議大夫滿歲未遷意殊快快乃獻一妾

於侂胄名之曰松壽侂胄曰柰何與大

諫同名松曰欲使疵賤姓名○乃蠻襲

常蒙記憶耳遂同知樞密

西遼亡

西遼滅之西遼主直魯古出獵乃蠻王

其位遂襲遼衣冠尊直魯古為太上皇

朝夕問起居直魯古尋死遼祀始絕

壬戌二年

金

泰和二年春正月

以蘇師

追復趙汝愚官

旦兼樞密都承旨○二月追復趙汝愚
資政殿學士。偽學之禍。雖本於韓侂胄
欲去異己以快所私。然實京鏜創謀。而
何澹劉德秀胡紘成之。及鏜死。三人亦
罷。侂胄厭前事之乖戾。欲稍更改以消
中外之議。會張孝伯謂侂胄曰。不弛黨
禁。恐後不免報復之禍。籍田令陳景思
侂胄之姻也。亦謂侂胄勿為已甚。侂胄

追復朱熹官

然之。遂復汝愚官。而偽黨之禁寢解。貶
斥者漸還故職矣。○禁私史。○夏五月
甲辰朔。日有食之。○秋七月。以子覲為
安定郡王。○八月。以袁說友同知樞密
院事。○作寶謨閣。藏光宗御集也。○九
月。太師嗣秀王伯圭卒。○冬十月。追復
朱熹煥章閣待制。○十一月。以陳自強
知樞密院事。許及之參知政事。○十二
月。立貴妃楊氏為皇后。○加韓侂胄太

師○閏月封福州觀察使曦為衛國公

癸亥三年金泰和三年春正月謝深甫

罷○張巖罷○帝臨太學○以袁說友

參知政事傅伯壽簽書樞密院事○夏

四月己亥朔日有食之○五月以陳自

強為右丞相○以許及之知樞密院事

○秋七月命殿前司造戰艦○八月增

置襄陽騎軍○九月袁說友罷○冬十

月以費士寅參知政事張孝伯同知樞

密院事○**金**貶奉御阿魯帶為彰德府

判官金主自即位為北鄙阻鞞部所擾

府藏空匱國勢日弱懼宋人乘其隙乃

命聚糧增戍於東南境上且禁襄陽權

場宋人聞之乃嚴設守禦韓侂胄遂有

北伐之謀市馬厲兵習戰造艦阿魯帶

使還言於金主以為師期有日○十一

月安定郡王子覲卒

甲子四年金泰和四年春正月浙東

安撫使辛棄疾入朝時有勸韓侂胄立

益世功名以自固者侂胄然之恢復之

韓侂胄
建恢復
之議

議遂起。既而辛棄疾入見，言金國必亂，必亡。願屬元老大臣預備兵為倉卒應變之計。侂胄大喜。鄭挺、鄧友龍等又附和其說。侂胄用師之意益銳矣。○高麗王暉卒。子諤立。○二月金命州郡無學者並建置之。○三月，臨安大火。詔百官陳時政闕失。○夏四月，許及之罷。○以張孝伯參知政事。錢象祖同知樞密院事。○五月，追封岳飛為鄂王。○秋八月，

張孝伯罷。○冬十月，以張巖參知政事。○十一月，以伯榘為安定郡王。○十二月，以陳自強兼國用使。費士寅、張巖兼同知國用事。

乙丑 開禧元年金 泰和五年。○春三月。

費士寅罷。○師入鞏州，來遠鎮唐州。得諜者言宋屯兵鄂岳，將謀北伐。金主命樞密院移文于宋，依舊約撤新兵。毋縱入境。○夏四月，以錢象祖參知政事。劉

葉岳上
書諫用
兵

德秀簽書樞密院事○以李奕為鎮江

都統皇甫斌為江陵副都統兼知襄陽

府○武學生華岳上書諫用兵啓釁竄

岳于建寧府○五月詔以衛國公曦為

皇子進封榮王○**金**以僕散揆為宣撫

使會兵于河南金主聞宋將見伐召諸

之餘自救不暇恐不敢畔盟完顏匡獨

曰彼取先世開寶天禧紀元豈忘中國

者哉金主然之乃命○戚拱復漣水縣

六月**金**人復取之○以程松為四川制

置使○秋七月詔韓侂胄平章軍國重

事班丞相上三日一朝赴都堂治事○

以蘇師旦為安遠軍節度使領閣門事

○以韓侂胄兼國用使○八月**金**罷河

南宣撫使司僕散揆至汴移文責宋敗

臣生事已行賤黜所置兵亦已抽去揆

信之遂弛備以其言白于金主遂罷宣

撫○以郭倪為鎮江都統兼知揚州○

九月劉德秀罷○陳景俊如**金**韓侂胄
欲審敵虛實故遣景俊往賀正旦○以

丘密諫
北伐

丘密為江淮宣撫使。密辭不拜。初，侂冑
以北伐之議示密。密曰：中原淪陷且百
年。在我固不可一日而忘。然兵凶戰危。
若首倡非常之舉，兵交勝負未可知。則
首事之禍，其誰任之？必有夸誕貪進之
人，攘臂僥倖萬一。宜亟斥絕。不然，必誤
國矣。侂冑不納。○大旱。○師襲比陽，殺
金阿里根撒覲。○師焚黃澗，獲**金**高顯。
○冬十二月**金**趙之傑來賀正旦。

丙寅二年

金泰和六年。○**夏**襄宗安金
應天元年。○**元**太祖法天啓

運聖武皇帝元年。春正月，師入撒牟谷，獲**金**擗

刺。○三月，以陳伸為京湖宣撫使。伸遂

致仕。北以上書諫也○以程松為四川宣撫

使。吳曦為副使。○陳景俊還自**金**諭之主

曰：大定初，世宗許宋世為姪國。朕遵守

至今。豈意爾國屢犯邊。以此遣大臣宣

撫河南。及得爾國公移，朕即罷司而爾

國侵擾益甚。群臣以渝盟為言。朕惟和
好。歲久，委曲涵容。恐姪宋皇帝或未詳
知。卿歸國，當具言之。景俊還，以告陳自
強。自強戒勿言。**金**更定比保法。以五家
由。是用兵益決。

隣為保以相檢察。城郭則置坊正。村社則置里正。以按比戶口。催督賦稅。勸課農桑。又設主里正。○錢象祖罷。○夏四月。以

薛叔似為湖北京西宣撫使。鄧友龍為

兩淮宣撫使。郭倪兼山東京東路招撫

使。趙淳兼京西北路招撫使。皇甫斌兼

副使。吳曦兼陝西河東路招撫使。○下

納粟補官之令。○遣衛卒戍淮東。○追

奪秦檜贈謚。論檜主和誤國之罪。奪王

爵。降封衛國公。改謚繆醜。○復泗州。及

追奪秦檜贈謚

新息褒信。穎上。虹縣。○金復命其平章

政事。僕散揆領行省事。會兵于汴。○吳

曦反。獻階成和鳳四州于金。以求封

蜀王。○五月。王大節帥師復蔡州。不克

而潰。○以伐金。詔四方。及告于天地廟

社。理其詔畧曰。天道好還。中國有必伸之

醜虜。猶託要盟。股生靈之資。奉溪壑之

欲。迹其不恭。姑置含忍。軍入塞而公肆

創殘。使來庭而敢為桀驁。泊行李之繼遣。

復慢詞之見加。含垢納汙。在人情而已。

賈監卷之七

七

心。為人子。為人臣。當念祖宗。○**金**以僕

散揆。完顏匡。為左右副元帥。○李奭帥

師圍壽州。○郭倬。李汝翼。田俊邁。會師

圍宿州。敗績。**金**人執俊邁。○皇甫斌敗

績于唐州。○秦世輔之師。潰于城固縣

○詔以太祖十世孫均為沂靖惠王。柄

嗣。柄。孝宗孫。而魏惠憲王愷之子也。均之父。曰希瞿。○六月。李

奭敗績于壽州。○鄧友龍免。以丘富為

兩淮宣撫使。○田琳復壽春府。○秋。七

月。蘇師旦有罪。韶州安置。韓侂胄聞師

屢敗。始覺為蘇師旦所誤。遂罷師旦官。

籍其家。旬日。除名。安置。○以張巖知樞

密院事。李壁參知政事。○**夏**李安全廢

其主純佑而自立。安全。崇宗孫。越王仁友子也。純佑未幾死。

○戚春敗績于邳州。○九月。**金**蒲察貞

取和尚原。○冬。十月。**金**人分道來侵。統

石烈執中圍楚州。○十一月。詔郭杲帥

師次于真州。以援兩淮。○以丘富簽書

金人分道南寇

樞密院事。督視江淮軍馬。○**金**人攻淮南

日急。或勸宓棄廬和州為守江計。宓曰。

棄淮則與敵共長江之險。吾當與淮南

俱存亡。乃益增兵防守。○**金**完顏匡入

光化棗陽襄陽軍隨州。○**金**僕散揆渡

淮入安豐軍。遂圍和州。揆引兵至淮遣

金人渡

八疊灘可涉。即潛師渡之。屯于瓦梁河。以控真揚諸

州之衝。乃整軍列騎。張旗幟於松江上

下。於是江表大震。○以陳謙為湖北京

西宣撫副使。○**金**紇石烈子仁入滁州

○**金**完顏匡圍德安府。○**金**蒲察貞入

西和州。十二月入成州。○**金**紇石烈子

仁入真州。自是淮西縣鎮皆沒于金。○

吳曦焚河池。退保青野原。○**金**紇石烈

子仁侵六合。郭倪遣師救之。戰于胥浦

橋。敗績。倪棄揚州走。○**金**完顏充入大

散關。吳曦還興州。○丘宓遣使如**金**師

議和。○**金**僕散揆從之。遂還師。下蔡和州

金封吳
曦為蜀
王

圍解○**金**立吳曦為蜀國王。曦密受之。翌日召幙屬諭意。言東南失守。車駕幸四明。今宜從權濟事。王翼楊駿之抗言曰。如此則相公忠孝八十年門戶。一朝掃地矣。曦曰。吾意已決。即遣任辛奉表獻蜀地圖。及吳氏譜牒于金○薛叔似陳謙免。以吳獵為湖北京西路宣撫使。知江陵府○程松自興元逃歸。以曦叛故也。

元太祖

而姓奇渥温氏。諱鐵木真。生而手握凝血如赤石。及長深。沉。有。大。畧。用。兵。如。神。故。能。滅。國。四。十。二。年。壽。六。十。八。○按。元。本。二。十。二。年。壽。六。十。八。○按。元。本。蒙。古。部。人。未。有。國。號。至。世。祖。之。時。始。稱。其。國。號。曰。元。今。自。此。以後。更。不。著。蒙。古。號。而。並。以。元。稱。之。庶。使。一。讀。者。有。所。歸。一。讀。者。云。

元太祖
即位于
斡難河

元主鐵木真即位于斡難河。建九旂白

旗。群臣上尊號曰成吉思皇帝。反。旂。求。

之。屬。天。子。十。二。諸。侯。九。大。夫。七。士。**元**之

先有孛端叉兒者。母曰阿蘭。寡居北漠。

屢有光明照其腹。一乳三子。長曰字完
合答吉。次曰字合撒赤。季曰字端义兒

一作字敦察兒。狀貌奇異。沉默寡言。家人謂之癡母曰。此兒非癡。後世子孫必

有大貴者。其後遂其後子孫蕃衍不相

統攝各自為部。曰合答吉。曰散肘。曰吉

押。又謂之扎即刺氏。居于烏桓之北。與

畏羅。乃蠻。九姓回鶻。故城和林接壤。世

奉貢于遼金。而總隸于達旦。至也速該

字端察兒之攻塔塔兒部。獲其部長鐵

諸部來降

木真還次于跌里温盤陀山而生元主。

也速該因以鐵木真名之。志武功也。也

速該卒。後謚曰烈祖元主年幼。其部衆

多歸于族人泰赤烏部。泰赤烏合七部

人凡三萬攻之。元主與其母月倫太后

率部人為十三翼。大戰于答闌班朱思

之野。泰赤烏等敗去。元主因得少安。時

泰赤烏部地廣民衆。而無紀律。其下謀

曰。鐵木真衣人以已衣。乘人以已馬。真

吾主也。因悉歸之。泰赤烏部遂微。元主功德日盛。諸部皆慕義來降。乃蠻部長大陽可汗心忌元主能。謂達達部主阿剌忽思曰。近聞東西有稱王者。日月在天。了然可知。世豈有二主哉。君能益吾右翼。奪其孤矢乎。阿剌忽思以其言來告。元主會群臣議伐乃蠻。皆以方春馬瘦。宜俟秋高為言。幹赤斤太祖弟也曰。事所當為。斷之在早。何可以馬瘦為辭。別里

元太祖
伐乃蠻
部

古台亦曰。乃蠻欲奪我孤矢。是小我也。彼恃其國大而言誇。我乘其不備而攻之。功當可成也。元主悅。遂伐乃蠻。太陽可汗合諸部兵來戰。勢頗盛。元主以哈撒兒主中軍。大戰至晡。太陽可汗敗死。諸部悉潰。夜走墜崖。死者不可勝計。明日餘衆悉降。泰和五年。遂攻西夏。拔力吉里寨及落思城。大掠而還。至是大會諸部長于幹難河之源。而即位焉。先是

金主遣衛王允濟往靖州受元主之貢。允濟奇元主狀貌。歸言于金主。請以事除之。金主不許。元主聞而憾之。○元滅乃蠻。執孟祿可汗以歸。

丁卯三年

金

泰和七年

元

太祖二年

夏

應天

春正

丘密罷

月。丘密罷。詔張巖督視江淮軍馬。金僕散揆退師。朝廷遂不復慮。密上疏乞移書金師以成前議。且言金人既指韓侂胄為元謀。若移書宜暫免繫銜。侂胄大

吳曦僭位于蜀

四路

成都。潼川。

夔州。

召隨軍轉運使安丙為

劉崇之議舉兵誅曦

怒罷密奉祠。○以陳自強兼樞密使。○吳曦反。稱蜀王于興州。改元。下黃榜於丞相。權行都省事。丙稱疾不出。權大安軍楊震仲以不受偽命。飲藥而死。利州路轉運判官陳咸不受偽命。自髡其髮。四川總領劉崇之不受偽命。曦怒。命徐景望為四川都轉運。入利州。逐崇之。崇之遂趨成都。與安撫楊輔議舉兵誅曦。

○**金**僕散揆有疾。命左丞相完顏宗浩兼都元帥行省事于汴以代之。○二月。以楊輔為四川制置使。吳曦以輔知遂寧府。輔遂棄成都如遂寧。○以知建康府葉適為江淮制置使。適上言三國孫氏嘗以江北守江。自南唐以來始失之。乞兼節制江北諸州。詔從之。時羽檄旁午。而適治事如平時。軍須皆從官給。民以不擾。其防守皆盡其法度焉。○**金**平

誅吳曦伏

章政事僕散揆卒于下蔡。揆為政多惠人。樂為用。號名將相。○四川轉運安丙誅吳曦。傳首臨安。先是監四川總領所興州合江倉楊巨源謀討賊。乃陰與曦將張林、朱邦寧及忠義士朱福等深相結。眉州人程夢錫知之。以告安丙。丙時稱疾未視事。乃囑夢錫以書致巨源。且召之。巨源至。丙號哭曰。目前兵將我所知。不能奮起。必得豪傑。乃滅此賊。巨源曰。

安丙劉崇之李好義等謀誅曦

非先生不足以主此事。非巨源不足以了此事。會興州中軍正將李好義亦結軍士李貴進士楊君玉李坤辰李彪等數十人謀誅曦。乃與巨源及劉崇之約還報。丙丙大喜。始出視事。君玉與白子申共草密詔。畧曰：惟干戈省厥躬。既昧聖賢之戒。雖犬馬識其主。爾乃甘夷虜之臣。邦有常刑。罪在不赦。二月乙亥未旦。好義帥其徒七十四人入偽宮。時偽

宮門洞開。好義大呼而入。曰：奉朝廷密詔于楊輔。以安長史為宣撫令。我誅反賊。敢抗者夷其族。曦衛兵千餘。聞有詔。皆棄梃而走。巨源持詔乘馬。自稱奉使。入內戶。曦啓戶欲逸。李貴即前執之。斫其首。馳告丙。宣詔。軍民拜舞。聲動天地。持曦首撫定城中。市不易肆。盡收曦黨。殺之。曦僭立凡四十一日。先是韓侂胄密以帛書諭丙云：若能殺曦。當不次推

賞書未達而誅曦露布已聞。朝廷大

喜。曦首至臨安。獻于廟社。梟之市三日。

詔誅曦妻子。家屬徙嶺南。奪曦父挺官

爵。遷曦祖璘子孫出蜀。存其廟祀焉。

○方信孺如**金**師。○三月。安丙使劉昌國

安丙復階鳳等州

復階州。李好義復西和州。張林、李簡復

成州。張翼復鳳州。孫忠銳復大散關。

○以楊輔為四川宣撫使。知成都府。安丙

為副使。知沔州。即興州。以吳曦反。故名。許奕為四

川宣諭使。○治程松棄蜀罪。澧州安置。

誅受偽命人徐景望。以其逐劉崇之故

也。○**金**以完顏匡為左副元帥。○夏。四

月。以陳侗為湖北京西宣撫使。知江陵

府。侗。仲弟也。○**金**以紇石烈子仁為右副元

帥。○召楊輔還。以吳玠為四川制置使。

○以錢象祖參知政事。○**金**人復入大

散關。○太皇太后謝氏崩。○五月。李好

義襲秦州。圍皂角堡。**金**木虎高琪來戰。

安丙殺
楊巨源

好義敗績○六月林拱辰如

金

也通謝○

安丙殺宣撫司參議官楊巨源

初吳曦誅吳論

詔至興州巨源謂人曰詔命一字不及

巨源疑有以蔽其功者俄報王喜授節

度使而謂安丙曰巨源謀亂丙令喜勸

于朝或謂安丙曰巨源謀亂丙令喜勸

其黨皆抵罪時巨源與金人戰于鳳

州之長橋而敗丙密使興元都統制于彭

輅收巨源械送閩州獄至大安龍尾灘

丙使將校樊世顯殺之忠義士聞者莫

不流

○大旱蝗飛蔽天食浙西豆粟皆

盡○秋七月以不儔為嗣濮王○九月

金左丞相兼都元帥完顏宗浩卒于汴

貶方信
孺

○貶國信所參謀官方信孺于臨江軍

初信孺至濠州紇石烈子仁要以五事

曰稱臣割地還俘獲罪首謀增歲幣止

信孺獄中露刃環守之絕其薪水信孺

曰反俘歸幣可也縛送首謀自古無之

稱藩割地則非臣子所敢言子仁怒曰

若不望生還耶信孺曰吾將命出國門

時已置生死度外矣及還韓侂胄問之

信孺言敵所欲者五事一割兩淮二增

韓侂胄
伏誅

歲幣。三索歸正人。四犒軍銀。五不敢言。侂胄固問之。信孺徐曰。欲得太師頭耳。侂胄大怒。奪信孺三官。信孺三使金師。以口舌折強敵。敵人計屈情見。雖未即和。然已有成說。及貶。人皆惜之。○葬成肅皇后。○以趙淳為江淮制置使。張巖免。○王柝如金師。柝。倫之孫。○元取夏。斡羅垓城。○冬。十二月。史彌遠殺韓侂胄于玉津園。詔暴侂胄罪惡于中外。自兵興

以來。蜀口漢淮之民死於兵戈者不可勝計。公私之力大屈。而侂胄以金人欲罪首謀。乃復銳意出師。中外憂懼。然皆畏侂胄。莫敢言者。禮部侍郎兼資善堂翊善史彌遠入對。因力陳危迫之勢。請誅侂胄以安邦。皇后楊氏素怨侂胄。初。韓后崩。楊氏時為貴妃。與曹美人俱有寵。中宮未。知所屬。韓侂胄以楊氏涉書史。知古今。性警敏。任權術。而曹氏柔順。勸帝立之。不聽。竟立為后。后由是怨侂胄。因使皇子榮王具疏言侂胄再啓兵端。

將不利於社稷。帝不答。后從旁力贊之。帝猶未許。后恐事泄。請命其兄楊次山。擇群臣可任者。與共圖之。帝始允可。次山遂語彌遠。彌遠得密旨。以錢象祖嘗諫用兵。見忤佐胄。乃先白象祖。象祖許之。象祖以告李壁。彌遠自懷中出御筆批云。韓佐胄久任國柄。輕啓兵端。使南北生靈。枉罹凶害。可罷平章軍國事。陳自強阿附充位。可罷右丞相。日下出國

史彌遠
謀殺韓
佐胄

門。象祖欲奏審。壁謂事留恐泄。乃已。彌遠令主管殿前司公事夏震以兵三百防護。翌日佐胄入朝。至太廟前。夏震呵止之。其從者皆散。震以兵擁佐胄至玉津園側。殛殺之。復命于彌遠及象祖。二人乃入宮。以誅佐胄事上聞。帝未之信。三日猶以為未死。後審其果然。遂下詔暴其罪。蓋其謀始于彌遠。而成于皇后及楊次山。帝初無意也。論功進彌遠為

禮部尚書。加震福州觀察使。侂冑專政十四年。宰執侍從臺諫藩閫。皆其門廡之人。天子孤立于上。威行宮省。權震宇內。嘗鑿山為沼。下瞰太廟。出入宮闈。無有度限。顏棫草制。以為得聖之清。易祓撰答詔。以元聖褒之。四方投獻者。謂伊霍。旦。奭。不足以擬其勲。余喜請加九錫。趙師異乞置平原郡王府官屬。侂冑當之不辭。其嬖妾張譚。王陳。皆封郡國夫

論侂冑
僭侈

陳自強
免

人。號四夫人。每內宴。則與妃嬪雜坐。恃勢驕倨。掖庭皆畏之。及籍其家。多乘輿服御之飾。其僭紊極矣。○陳自強有罪免。時韓侂冑既死。錢象祖探懷中堂帖。授自強曰。有旨丞相罷政。自強即上馬。顧曰。望大參保全。明日奪其三官。永州居住。○遣使誅蘇師旦于韶州。○治韓侂冑黨與。安置鄧友龍等于嶺南。貶李壁。張巖。許及之。葉適。薛叔似等官秩有

差鄧友龍循州郭倪梅州○以衛涇簽

書樞密院事○立榮王曦為皇太子更

名禱赦○十二月以丘密為江淮制置

大使知建康府○罷山東京東京西路

招撫司○以錢象祖為右丞相兼樞密

使衛涇雷孝友參知政事史彌遠同知

樞密院事林大中簽書院事○**金**翰林

直學士陳大任進所脩遼史○**金**戶部

金版籍之盛

籍今年境內民數千七百六十八萬四千七百三十八口

千五百八十一萬六千七百九十九此金版籍之極盛也

戊辰嘉定元年三年○**金**泰和八年○**夏**應天

年春正月王栴還自汴持金書求函侂

○安定郡王伯栩卒○以史彌遠知樞

密院事○許奕如**金**師○二月追復趙

汝愚觀文殿大學士謚忠定○三月復

秦檜爵謚○以韓侂胄蘇師旦首昇**金**

以韓侂胄蘇師旦首昇金人

人○臨安府大火○夏四月安置陳自

強于雷州○六月**金**人來歸大散關及

濠州。先是王柝以韓侂胄蘇師旦首至。**金**金主御應天門。備黃麾立仗受之。竿二首并懸。二人畫像于通衢。俾百姓縱觀。然後漆而藏于軍器庫。遂命罷兵。○衛涇罷。○鄒應龍如**金**賀生辰。○林大中卒。○以史彌遠兼參知政事。○秋七月。召丘密同知樞密院事。未至而卒。密儀狀魁傑。機神英悟。嘗慷慨曰。生無以報國。死願為猛將以滅敵。○八月。以婁

機同知樞密院事。樓鑰簽書院事。

婁鑰持論

堅正。忤韓侂胄意。奉祠累年。機初為太常少卿。侂胄開邊。機曰。恢復之名。非不美。今人才難得。財力未裕。萬一兵連禍結。柰何。遂斥外。及入樞府。尤惜名器。守法度。進退人物。直言可。○許奕及**金**完

顏侃來。

○九月及**金**平

乃完顏侃既入議

詔以和議

成。諭

○冬十月。以錢象祖。史彌遠為左

右丞相。雷孝友知樞密院事。樓鑰同知

院事。婁機參知政事。○以伯祝為安定

郡王。○十一月。史彌遠以母喪去位。○

金王卒

金主環卒。衛王永濟立。永濟。小字興勝。世宗第七子也。

金主感。嗽疾甚篤。念已無子。而諸叔兄弟多在。以永濟柔弱無智能。遂傳位焉。

史臣贊曰金章宗承世宗治平之後。

正禮樂。脩刑法。定官制。典章文物。粲

然可觀。然婢寵擅朝。冢嗣未立。疏忌

宗室。而傳授非人。向之所謂維持鞏

固於久遠者。徒為文具。而不得為後

世子孫一日之用。金源氏從此衰矣。

昔楊雄氏有云。秦之有司。負秦之法

夫度秦之法度。負聖人之法度。蓋有以

贈趙汝愚官

贈趙汝愚太師沂國公。○十二月。錢象

祖罷。○元滅蔑里乞部。○斡亦剌部降

于元

已巳二年。金衛紹王永濟大安元年。夏應天四年。元太祖皇帝。

年春。正月。詔內外條陳節用事。○以樓

鑰參知政事。章良能同知樞密院事。宇

文紹節。簽書院事。○畏吾兒國降于元

畏吾兒。唐也。

○夏四月金主永濟殺章宗

元妃李氏先是元妃李氏與完顏匡定策立永濟而章宗遺詔內人

有娠者二人。生男則立為儲貳。平章政事僕散端承金主意。奏先帝承御賈氏。

當以十一月免乳。今已逾期。范氏願期合在正月。今鑿稱胎形已失。范氏願削

髮為尼。金主乃以章宗內人范氏損其遺腹。詔中外而殺李氏及賈氏。○

五月起復史彌遠為右丞相。○元主入

夏靈州。夏主安全降。獻女為好。夏自是

益衰。○秋八月以安丙為四川制置大

使。兼知興元府。罷宣撫司。○詔皇太子

贈朱熹
官謚曰
文

更名詢。○冬十二月賜煥章閣待制朱熹謚曰文。從考功郎官劉彌正之議也。

○元侵金

庚午三年金大安二年。夏皇建元春。元太祖皇帝五年。

正月詔戒監司守令。○夏五月贈朱熹

中大夫寶謨閣直學士。○贈處士蔡元

定迪功郎。制曰。士之遇不遇。天也。其或

擯斥於生前。而獲伸於死後。天理昭昭。

未有久而不定者。爾學問有源。操履無

贈蔡元
定官

玷。杜門著書。初無預於世者。不幸見誣。亦遭遠謫。今是非已定。爾則殂矣。其贈以官。慰爾泉下。死雖莫贈。尚其享哉。○六月丁巳朔。日有食之。○**金**主立其子。胙王從恪為太子。○秋八月。夏人寇**金**葭州。夏自天會初與**金**議和八十餘年。未嘗交兵。及為**元**所攻。求救于**金**。金主新立。不能出師。夏人怨之。遂侵葭州。金慶山奴擊敗之而去。○冬十二月。婁機

元太祖
侵金西
北

罷。○**金**禁傳說邊事。先是**金**主嗣位。有詔至**元**。主問**金**使曰。新君為誰。曰。衛王也。元主遽南面唾曰。我謂中原皇帝是天上人做。此等亦為之耶。何以拜為。即策馬去。○**金**主聞之。益怒。欲俟元主再入貢而害之。○**元**主知之。遂與**金**絕。元主怨**金**主之嘗欲害已也。數以兵侵掠**金**西。北之境。其勢漸盛。國人皇皇。遂禁百姓不得傳說邊事。○**元**侵**金**桓昌撫州。○

趙師異罷。時有武學生犯事。師異撻之。逐出國門。諸生訴之。遂罷。

資治通鑑節要續編卷之十九

